

आकाशवाणी

खबरां

- भारती अंतरिक्ष जातरी शुभांशु शुक्ला ते एक्सओम-4 दे बाकी जात्रिएं ऐतिहासिक अंतरिक्ष मिशन मगरा अज्ज दोहरी कैलीफोरनिया तट दे कोल वापसी कीती।
- प्रधानमंत्री मोदी होरें शुभांशु शुक्ला हुंदी सुरक्षित वापसी दा स्वागत कीता, गगनयान बक्खी इसी दुआ मील दा पत्थर दस्सेआ।
- राष्ट्रपति द्रोपदी मुर्मू होरें 2047 तोड़ी विकसित भारत दे धेड़ये गी हासल करने च शिक्षा दी भूमिका गी बड़ा महत्वपूर्ण दस्सेआ।
- डॉ. एस. जयशंकर होरें शंघाई सहयोग संगठन-एससीओ गी आतंकवाद, अलगाववाद ते अतवाद खिलाफ सख्त रवैया अपनाने आस्तै आखेआ।
- केंद्री मंत्री प्रहलाद जोशी होरें आखेआ जे भारत दा साफ उर्जा बदलाव सिर्फ पर्यावरण सरबंधी लक्ष्य नेई ऐ, सगुआं राश्ट्री मुहिम ऐ।
- चेस च 4 भारती महिलां, महिलाएं दे विश्व कप मुकाबले FIDE च पुज्जियां।

<><><><><><><><>

Axiom-4

भारती अंतरिक्ष जातरी शुभांशु शुक्ला ते एक्सओम-फोर मिशन दे बाकी त्रै अंतरिक्ष जातरी अंतरराश्ट्री अंतरिक्ष स्टेशन पर अपने 18 दिनें दे ऐतिहासिक मिशन दे बाद अज्ज सुरक्षित धरतै पर पुज्जी गे न। स्पेक्स ड्रैगन अंतरिक्षयान अज्ज दपैहरी अमरीका

दे कैलीफोरनिया दे सैन डिएगो तट कोला दूर प्रशांत महासागर च उतरेआ। राष्ट्रपति द्रोपति मुर्मू ते प्रधानमंत्री नरेंद्र मोदी होंरें उन्दे सुरक्षित ते कामयाब दौरें दी सराहना करदे होई आखेआ जे एह कामयाबी भारत दे अपने मानव अंतरिक्ष मिशन गगनयान आहली बक्खी मुल्खै दा इक सकारात्मक कदम ऐ।

<><><><><><>

Puri-Education

पेट्रोलियम ते प्राकृतिक गैस मंत्री हरदीप सिंह पूरी होंरें आखेआ ऐ जे भारत दे विकास दी जातरा च शिक्षा दी थाहर महत्वपूर्ण रौहनी चाइदी ऐ। नमीं दिल्ली च देश च स्कूली शिक्षा उप्पर सेमीनार गी संबोधित करदे होई पूरी होंरें आखेआ जे राष्ट्र दे विकास आस्तै शिक्षा बड़ी जरूरी ऐ। उनें दस्सेआ जे अज्ज 4 ट्रिलियर डालर अर्थ बवस्था थमां 2047 तोड़ी 35 ट्रिलियन डालर दी अर्थ बवस्था दा सफर सारें आस्तै अच्छी शिखा ते समावेशी शिखा दे जरिए जिम्मेदार ते कम्म करने आहले बसनीकें दी नस्लकें पर आधारित ऐ। मंत्री होंरें आखेआ जे साक्षरता, स्कूलें च दाखिले ते स्कूलें दे विकास दे क्षेत्र च अच्छा-खासा बाददा दिक्खेआ जा'रदा ऐ।

<><><><><><>

Skill-India Mission

स्किल इंडिया मिशन दी 10मीं सालगिरह अज्ज मनाई जा'रदी ऐ। प्रधानमंत्री नरेंद्र मोदी होंरें इस मिशन गी 2015 च शुरू कीता हा जेदा मकसद नौजवानें गी रोजगार आस्तै उद्योग सरबंधी हुनर सिखाना, उद्यमता ते टिकाउ रोजगार दे मौके उपलब्ध कराना हा।

हुनर विकास ते उद्यमता मंत्री जयंत चौधरी हों नौजवानें गी नौकरी हासल करने सरबन्धी हुनर सिखाने जरिए सशक्त बनाने दे भारत सरकार दे धेड़यै गी दोहराया।

<><><><><><><><>

Gadkari-CSR

परिवहन ते जरनैली शिडकें दे केंद्री मंत्री नितिन गडकरी हों अज्ज उद्योग हितधारकें गी सामाजिक-आर्थिक आडिट करने आस्तै आखेआ तां जे निगमित समाजी जिम्मेदारी सरबन्धी गतिविधिं गी बदाया जाई सकै। नमी दिल्ली च 12में राष्ट्री सीएसआर समिट ते सीएसआर टाइम्स अवार्ड्स 2025 कार्यक्रम गी संबोधित करदे होई गडकरी हों आखेआ जे शहरी ते गाई क्षेत्रें दी अपनी बक्ख-बक्ख समस्यां हुंदियां न। उनें जोड़ेआ जे जेकर संसाधनें पर नमी तकनीक दा सेही तरीके कन्ने इस्तेमाल कीता जा तां ग्रां च हालात बदली सकदे न ते उत्थूं दे लोकें गी शहरै आहली बक्खी जाने दी जरूरत मसूस नेई होग।

<><><><><><><><>

Prez. Odisha

राष्ट्रपति द्रौपदी मुर्मू हों अज्ज आखेआ जे भारत दा राष्ट्री धेड़या वैश्विक सुपर पावर बनने दा ऐ। उनें आखेआ जे ढांचागत विकास, सेहत स्हूलतें, अंतरिक्ष, विज्ञान ते केई सारे क्षेत्रें च भारत नै लम्मा सफर तय कीता ऐ। राष्ट्रपति हों आखेआ जे 2047 तोड़ी विकसित भारत दे धेड़ये गी पूरा करने आस्तै राष्ट्री निर्माण ते भारत दे भविक्ख गी सेही दिशा देने च शिक्षा बड़ी गै महत्वपूर्ण भूमिका निभाग। रावेनशा यूनिवर्सिटी ऑफ कट्टक दे 13में सालाना दीक्षांत समारोह गी संबोधित करदे होई राष्ट्रपति हों खुशी

जाहिर कीती जे हर विभाग च कुड़िं बाजी मारी ऐ। एहदे शा पैहले अज्ज राष्ट्रपति होर जेड़ियां गै अपने गृह राज्य ओडिशा दे 2 ध्याड़े दे दौर पर न, होरें रावेनशा गर्ज हाई स्कूल कट्टक दी त्रै ईमारतें दे पुर्नविकास आस्तै नीह पत्थर बी रक्खेआ।

<><><><><><><><>

Jaishankar-SCO Add

विदेश मंत्री डॉ. एस जयशंकर होरें जोर देइए आखेआ ऐ जे शंघाई सहयोग संगठन-एससीओ गी आतंकवाद, अलगाववाद ते अतवाद जनेय मसलें खिलाफ इक्क सिद्धा रवैया अखितयार करना चाइदा। डॉ. जयशंकर होरें अज्ज शामी चीन दे टाइटनजीन च विदेश दी एससीओ परिषद दी बैठक च शिरकत कीती। पहलगाम च होए दे आतंकी हमले दा जिक्र करदे होई मंत्री होरें आखेआ जे एह हमला जानी बुज्झियै जम्मू-कश्मीर च सैलसफा सरबंधी अर्थ बवस्था गी नुकसान पुजाने ते धार्मिक एकता च खलल पाने दे मकसद कन्नै कीता गेआ हा।

<><><><><><><><>

EAM

विदेश मंत्री डॉ. एस जयशंकर होरें शंघाई संगठन दे साथी सदस्यें कन्नै चीन दे राष्ट्रपति Xi Jinping हुंदे कन्नै बीजिंग च मलाटी कीती। इक सोशल मीडिया पोस्ट च डॉ. जयशंकर होरें आखेआ जे उनें चीन दे राष्ट्रपति होरें गी भारत चीन बश्कार दपक्खी रिश्तें च होए दे विकास बारै दस्सेआ। उनें राष्ट्रपति द्रोपदी मुर्मू ते प्रधानमंत्री नरेंद्र मोदी हुंदी तरफा उनेंगी शुभकामनां बी दितियां। डॉ. जयशंकर होर अज्ज टाइटनजीन च होने आहली एससीओ विदेश मंत्रिणं दी बैठका च शिरकत करने आस्तै कल बिजिंग पुज्जे हे।

विदेश मंत्री होंरें चीन दे विदेश मंत्री वांग जी हुंदे कन्नै दपक्खी बैठकाबी लाई। मंत्री होंरें सीमा पार नदिएं पर सहयोग दी जरूरत जताई जेदे च हाईड्रोलोजिकल डेटा दे प्रावधान दा परतिए चीन बक्खिया शुरू करना शामिल ऐ।

<><><><><><>

PM-K Kamaraj

प्रधानमंत्री मोदी होंरें स्वतंत्रता सैनानी ते तमिलनाडू दे साबका मुखमंत्री के. कामाराज हुंदी पुण्यतिथि पर उनेंगी श्रद्धांजलि दिती। प्रधानमंत्री होंरें आखेआ जे के. कामाराज होर आजादी दी लड़ाई दौरान अग्गे रेय ते आजादी मगरा देश दे निर्माण दे सफर उने महत्वपूर्ण नेतृत्व कीता। मोदी होंरें जोड़ेआ जे सामाजिक न्याय पर आधारित उन्दे मूल्य अज्ज बी सारेंगी प्रेरित करदे न।

<><><><><><>

Tesla-Indian Market

अमरीका दी बहुराष्ट्री गड्डियां बनाने दी कंपनी टैस्ला बिजली कन्नै चलने आहली गड्डी दा वाई मॉडल लांच करिए भारती बजार च आई गई ऐ। कंपनी नै अपना पहला शोरूम मुम्बई च अज्ज खोलेआ। महाराष्ट्र दे मुखमंत्री देवेन्द्र फडनवीस होंरें उद्घाटन कार्यक्रम च हिस्सा लैता ते टैस्ला कंपनी गी महाराष्ट्र च अपना अनुसंधान ते विका, निर्माण सुविधाएं गी सञ्चित करने दा साद्दा दिता। मुखमंत्री होंरें आखेआ जे मुम्बई छड़ा आर्थिक, औद्योगिक ते मनोरंजन राजधानी नेई ऐ, सगुआं उद्यमता दा इक केंद्री बी ऐ। मुखमंत्री फडनवीस होंरें वैश्विक इलेक्ट्रानिक गड्डियां बनाने आहली कंपनीं गी महाराष्ट्र राज्य गी अपना हमसफर समझने आस्तै आखेआ।

चरण च मुकाबला करंगन जेदा मकसद क्वार्टर फाइनल च थाहर पक्की करना ऐ।
वंतिका अग्रवाल होर त्रीए चरण च बाहर होई गेइयां न। क्वार्टर फाइनल दे पैहले
मुकाबले च वैशाली हुंदा मुकाबला कजाखस्तान दी Meruert Kamliidenora हुंदे कन्नै ते
दिव्या हुंदा मुकाबला चीन दी Zhu Jiner कन्नै होग। खेड्डें दा चौथा चरण 16 ते 17
जुलाई गी होग ते टाई ब्रेक कन्नै जरूरत पौने पर 18 गी बी होग।

<><><><><><>

Yatra-cameras

इस्सलै चला'रदी श्री अमरनाथ जातरा दरान रामबन जिला प्रशासन नै नाशरी थमां
बनिहाल तगर सब्बै लंगर आहली थाहरें, रौहने-बौहने आहली थाहरें ते जम्मू-श्रीनगर
राश्ट्री जरनैली शिड़क (एन.एच-44) गी सी.सी.टी.वी कैमरें दी निगरानी च रक्खेआ ऐ।
लंगर आहली थाहरें आस्तै सी.सी.टी.वी कैमरे लाना लाजमी ऐ ते तीर्थ जात्रियें दी मदाद
आस्तै हेल्पलाइन नंबर 01998-295500 ते 01998-262790 दे कन्नै इक कंट्रोल रूम
स्थापित कीता गेआ ऐ।

<><><><><><>

JK-ODOP

इक जिला इक उत्पाद आहले राश्ट्री सम्मान 2024 च राज्यें दी श्रेणी च जम्मू-कश्मीर
गी उप्परोतली दुए बरे पैहली थाहर हासल होई ऐ। जम्मू-कश्मीर गी एह सम्मान इक
जिला इक उत्पाद आहली पैहल च ओहदे महत्वपूर्ण जोगदान ते शानदार कारकरदगी लेई
दित्ता गेआ ऐ। एह अवार्ड उद्योग ते बपार मैहकमे दे कमिशनर सैकरेटरी विक्रमजीत
सिंह ते जम्मू-कश्मीर ट्रेड प्रमोशन आर्गनाइजेशन JKTPO दे प्रबंध निदेशक सुदर्शन
कुमार होरें हासल कीता। एह सम्मान समारोह नमीं दिल्ली दे भारत मंडपम च

आयोजित कीता गेदा हा। केंद्री मंत्री पीयूष गोयल होरें जम्मू-कश्मर सने होरनें सारे जेतुएं गी ममारकबाद दिंदे होई उनेंगी होर बेहतर करने लेई शुभकामनां दितियां।

<><><><><><><>

Accident-Doda

डोडा जिले च पेश आए दे इक शिड़क हादसे च 5एं लोकें दी मौत होई गई ते 19 लोक जखमी होई गे न। एह हादसा उसलै पेश आया जिसलै इक गड्डी जेहदे च 24 लोक सोआर हे शिड़क थमां रूलकियै हेठ झूहगी खड्डे च जाई पेई। मकामी पुलस ते स्वयंसेविएं आस्सेआ फौरी तौर पर राहत ते बचाह अभियान चलाया गेआ, जेहडे राहत ते बचाह कम्में पर तक्क रखा'रदे न। हादसे दे कारण दा पता लाने लेई जांच शुरू कीती गई ऐ। केंद्री मंत्री डॉ. जितेंद्र सिंह, उपराज्यपाल मनोज सिन्हा ते मुखमंत्रि उमर अब्दुल्ला होरें शिड़क हादसे च होई दी मौतें पर बसोस जाहिर कीता ते जखिमयें दे तौले नरोए होने दी कामना कीती ऐ।

<><><><><><><>

GoC-Fwd Brigades

व्हाईट नाईट कोर दे जीओसी लैफ्टिनेंट जनरल पी.के.मिश्रा होरें केन्द्र शासत प्रदेशें दे केई सारी अगेत्री इकाइएं दा दौरा लाया। इस दरान उनें कारवाइएं तैआरिएं ते मौसम स्थिति दा जायजा लैता। आकाशवाणी जम्मू संवाददाता दी रिपोर्ट मूजब जीओसी हुंदे कन्ने Ace of spades, जीओसी ते क्रास्ड स्वार्डस डिवीजन दे जीओसी होर बी मजूद हे। इस दरान उनें उत्थें तैनात बलें कन्ने गल्लबात कीती ते पैदा होई सकने आली कुसै बी चुनौती कन्ने निबड़ने लेई तैआर रौहने लेई आखेआ।



Train-Timings

उत्तर रेलवे नै ट्रेन नंबर 19224 जम्मू तवी-साबरमती एक्सप्रेस दे समें च संशोधन दी घोशणा कीती ऐ। नमां संशोधित समां 26 अगस्त 2025 थमां लागू होग। जात्रियें गी सलाह दिती जंदी ऐ जे ओह अपनी जातरा दी योजना बनाने शा पैहलें बदले गेदे समें दी जांच-पड़ताल करी लैन। उत्तर रेलवे नै सब्भनैं सरबंधत लोकें गी बदलाएं पर ध्यान देने ते ओहदे मताबक सहयोग करने दा आग्रह कीता ऐ। विस्तृत जानकारी आस्तै जातरी आधिकारिक उत्तर रेलवे दे एक्स हैंडल दे कन्नोकन्नी आकाशवाणी समाचार जम्मू दे सोशल मीडिया हैंडल पर जाई सकदे न। जात्रियें आस्तै बेहतर संपर्क जकीनी बनाने आस्तै एह फैसला लैता गेआ ऐ।

